

2017 жылдың 1 қазанына қарай «БЖЗҚ» АҚ зейнетақы активтерінің табыстылығы

Бірыңғай жинақтаушы зейнетақы қоры салымшылар мен алушыларға 2017 жылғы 1 қазандағы жағдай бойынша зейнетақы активтерінің табыстылығы жайында хабарлайды.

Инвестициялық қызметтің нәтижесінде 2017 жылдың 9 айы ішінде салымшылардың шоттарына үлестірілген таза инвестициялық табыстың мөлшері 462 млрд теңгеден асты.

БЖЗҚ зейнетақы активтерінің табыстылығы 2017 жылдың 1 қаңтарынан 30 қыркүйегіне дейінгі кезеңде 6,68 пайызды құрады. Ал инфляция осы кезеңде 4,2 пайыз болды.

Осылайша, аталған кезеңде табыстылық инфляция деңгейінен 2,5 пайызға артып отыр.

2017 жылғы 1 қазандағы жағдай бойынша зейнетақы жинақтарының жалпы сомасы 7,5 трлн теңгеден асты.

БЖЗҚ 2013 жылғы 22 тамызда «ГНПФ» ЖЗҚ» АҚ негізінде құрылды. БЖЗҚ құрылтайшысы және акционері – Қазақстан Республикасы Қаржы министрлігінің «Мемлекеттік мүлік және жекешелендіру комитеті» ММ арқылы Қазақстан Республикасының Үкіметі. БЖЗҚ зейнетақы активтерін сенімгерлікпен басқаруды Қазақстан Республикасының Ұлттық Банкі жүзеге асырады. 2016 жылғы 1 қаңтардан бастап зейнетақы активтерін басқару тиімділігін арттыру бойынша ұсыныстар жасау қызметі Қазақстан Республикасының Президенті басшылық ететін Ұлттық қорды басқару кеңесіне берілді.

Зейнетақы заңнамасына сәйкес БЖЗҚ міндетті зейнетақы жарналарын, міндетті кәсіптік зейнетақы жарналарын, ерікті зейнетақы жарналарын тартуды, зейнетақы төлемдерін, зейнетақы жинақтары мен төлемдерін жеке есепке алуды жүзеге асырады, салымшыға (алушыға) зейнетақы жинақтарының жай-күйі туралы ақпарат береді (толығырақ www.enpf.kz сайтында).

«БЖЗҚ» АҚ баспасөз орталығы
БАҚ үшін байланыстар: press@enpf.kz